

Na osnovu člana 31. Zakona o sudovima u Federaciji Bosne i Hercegovine ("Službene novine Federacije BiH", broj: 38/05, 22/06, 63/10, 72/10, 7/13 i 52/14), člana 8. Pravilnika o unutrašnjem sudskom poslovanju ("Službeni glasnik BiH", broj: 66/12, 40/14, 54/17, 60/17 i 30/18), člana 37. Pravilnika o unutrašnjoj organizaciji i sistematizaciji radnih mjesta u Općinskom sudu u Lukavcu, broj: 126-0-Su-19-000669 od 04.12.2019. godine, člana 12., 16. i 25. Uputstva za strateško planiranje i izvještavanje u sudovima u Bosni i Hercegovini koje je usvojilo Visoko sudsko i tužilačko vijeće Bosne i Hercegovine, broj: 12-08-5-1383-1/2020 od 12.05.2020. godine, uz saglasnost Stalne komisije za efikasnost i kvalitet sudova VSTV-a BiH na nacrt ažuriranog Godišnjeg programa rada Općinskog suda u Lukavcu za period 2022 – 2024. godine na sastanku održanom dana 10.03.2022. godine, uz jednoglasnu saglasnost Stručnog kolegija Općinskog suda u Lukavcu održana dana 29.03.2022. godine, predsjednica Općinskog suda u Lukavcu, *donosi*

ODLUKU

o donošenju Godišnjeg programa rada Općinskog suda u Lukavcu 2021 – 2024

I.

Donosi se ažurirani Godišnji program rada Općinskog suda u Lukavcu za period 2022 – 2024. godine, sa strateškim i trogodišnjim ciljevima suda koji postaju operativni.

II.

Ova Odluka stupa na snagu danom donošenja, a primjenjuje se od 18.03.2022. godine.

III.

Godišnjeg programa rada Općinskog suda u Lukavcu za period 2022 – 2024. godine će biti postavljen na službenoj internet stranici i oglasnoj tabli Općinskog suda u Lukavcu.

Obrazloženje


Na osnovu člana 17. tačka 28. Zakona o Visokom sudskom i tužilačkom vijeću Bosne i Hercegovine ("Službeni glasnik BiH", broj: 25/04, 93/05, 48/07 i 15/08), Visoko sudsko i tužilačko vijeće Bosne i Hercegovine je donijelo Uputstvo za strateško planiranje i izvještavanje u sudovima u Bosni i Hercegovini, kojim je obavezala sudove da svoje godišnje programe rada izrađuju na temelju strateškog srednjoročnog planiranja.

Općinski sud u Lukavcu je postupio u skladu sa odredbama člana 12. i 25. Uputstva za strateško planiranje i izvještavanje u sudovima u Bosni i Hercegovini i u skladu sa članom 16. stav 6. navedenog Uputstva dostavio ažurirani Nacrt Godišnjeg programa rada Općinskog suda u Lukavcu za period 2022 – 2024. godine Visokom sudskom i tužilačkom vijeću Bosne i Hercegovine na razmatranje i dobijanje mišljenja.

Obzirom da je Stalna komisija za efikasnost i kvalitet sudova Visokog sudskog i tužilačkog vijeća Bosne i Hercegovine na svom sastanku održanom dana 10.03.2022. godine razmatrala ažurirani Nacrt Godišnjeg programa rada Općinskog suda u Lukavcu za period 2022 – 2024. godine i dala saglasnost za njegovo donošenje i objavu na web stranici Općinskog suda u Lukavcu, odlučeno je kao u dispozitivu ove Odluke.

Dostavljeno:

- VSTV BiH, elektronskim putem,
- Svim zaposlenicima suda uz Godišnji program rada elektronskim putem,
- Web stranica suda uz Godišnji program rada suda,
- Oglasna ploča suda uz Godišnji program rada suda,
- A/A.



PREDSEDNICA SUDA

Enisa Hankić